



МЕСЯЦА НОЯБРЯ В 15-Й ДЕНЬ

Святых мученик и исповедник
Гурія, Самона и Авіва
Аллилуія

(устав зри на странице 11)

На Господи, возвах: **стихиры, глас 4.**

Подобен: Дал еси знамение:

Віив всемудрый, / и Самон чудный, / и Гурій
славный, / общий составивше верным лик, /
в радости ныне сликовствуют нам страсто-
терпцы и свеселятся, / душам бо мучениче-
ским от Бога сие дадеся, / zde бываемая разумно
зрети.

Болѣзни претерпѣвше нестерпимых мук / и
добрественно пострадавше, / Троицы равночѣс-
леннии, / Самоне, и Авиве, и Гуріе Богомудре, /
вѣчнаго и краснаго насыщаетеся ныне
наслаждения / трудов воздаяние возмеряюще
вам Христу, / Егѡже тепле молитѣ / спастися душам
нашим.

Ко пристанищу неволненному, / и к жизни
немятежней, / и затишью благоутишному, / стра-
стотерпцы мученицы, / приставше превѣчнующе-
му безстрастнаго пребыванія, / и дѡльнее ныне
изменісте, / трудов воздаянія и болѣзней почести
от Бога приимше / достойне, блаженнии.

Ины стихіры Богородицы.

Глас и подобен тойже.

Аще ли аллилуія, поём сии стихіры прэжде:

Одожді мне, Владычице, Твоея мѣлости бѣздну / и опальшееся знѣем страстей сѣрдце мое, / яко мѣлостива, напоѣ, Отроковице, / и умилѣнія капли точити непрестанно сотвори, молюся, / ѣмиже утѣшенія сподоблюся, Чѣстая, / ѣже получитьи ѣмут ѣже ѣскренно плакавшиися.

Дѣмонскими колѣблема прилоги / и в ров погѣбели реема, / ущѣдри, Владычице, / и утверди мя на камени добродѣтелей, / и, совѣты врагов разоривши, / сподоби мя творити повелѣнія Твоего Сына и Бога нашего, / яко да получу оставленіе в день Суды.

Скверну отмый окаяннаго сѣрдца моего, / Богородице Всепѣтая, / и вся уязвленія, и гноенія, ѣже от грѣха, очисти, Чѣстая, / и ума моего утиши нестойяніе, / яко да силу Твою и великое защищеніе / величаю страстный и неключимый раб Твой.

Слава, и ныне, Богородичен:

Слабость и уныніе, / Дѣво Мати Всенепорочная, / души моея преложі в здравіе и силу, / страхом и любовью / творити же и дѣяти оправданія Христова; / яко да избѣгну огня нестерпимаго / и жребий Небесный, и жизнь непреходную / Тобою восприиму, веселяся всегда.

Аще в среду ѣли в пятѣк, Крестобогородичен.

Подобен: Яко дѣбля:

Распинаема Христа Человеколюбца видящи, Пречѣстая, / и ребра ископована копием, / плачущи, вопіяше: / что сие, Сыне Мой? / что Ти безблагодатнии людие воздаша, / за ѣже сотворил еси добрая им? / и тщишия безчадствовати Мя, Вселюбезнейший. / Удивляюся, Благоутробне, Твоему вольному распятію.

Аще ли Бог Господь: Слава, глас 2.

Самогласен:

Едес веселится, / яко ракою святых обогатися, / Гурія, Самона и Авива, / и, христоролюбивую паству

созывая, вопиёт:/ приидите, мучениколюбцы,/ просветитесь в памяти светлей;/ приидите ўбо, празднoлюбцы, возвеселитесь;/ приидите и видите светила Небесная,/ на земли жителствовавшия;/ приидите и услышите,/ какову смерть горькую дoблии адаманти подьяша,/ безконечныя ради жизни./ Тёмже, поручницы сўще истины,/ девицу спасoша, живу во гроб ввержену,/ и тех небрегшаго всесквернаго пагубе предаша,/ яко убийцу и немилостивна./ И прилѣжно молят Святую Трoицу/ избавитися от тли, и искушений, и всяческих бед/ верою творящим память их.

И ныне, Богородичен.

На стиховне Октoиха.

Слава, глас 2. Самогласен:

Приидите, мучениколюбцы вси,/ Христовы оружники пѣсньми почтѣм,/ Гурія, и Авива, и Самона,/ яко преславно дѣйствуют чудеса;/ клятвы бо не презрѣша представити отроковицу,/ но, исполняюще прошение, девицу спасoша,/ прездзаконному готфину мщѣние сотворивше./ Тех молитвами, Христѣ Бoже, спаси ны,/ яко Благ и Человеколюбец.

И ныне, Богородичен.

Тропарь, глас 5:

Чудеса святых Твоих мученик/ стѣну неборѣму, нам даровавший, Христѣ Бoже, / тех молитвами советы языков разорѣи,/ Церковь святую укрепи,/ яко един Благ и Человеколюбец.

НА УТРЕНИ

Оба канона Октoиха и святых канон на 4, егoже краегранѣсие: Три, купно глаголющия, хвалю премудренно. Творѣние Феофаново. Глас 4.

Песнь 1

Ирмос: Моря чермную пучину/ невлажными стопами/ древний пешествовав Израиль,/ крестообразными Моисеовыми руками/ Амаликову силу в пустыни победил есть.

Трoицы единоначалие, святѣи, Богословяще чѣстно,/ многоначалия нестойянную мглу удобно

разрушісте, / востока, многосвѣтлии, якоже звѣзды возсіявше.

Триѣ исповѣдницы, / благодатию просвещаеми Начальныя Троицы явственнo, / лествь многобожную, терпеливно противлѣние являюще, истребиша.

Вас, убо сыноположив, славнии, любовию Естественный Сын, / ныне Ему наследию, даему яве, / яко Благоутробен снаследники показá / и Царствия сопричастники.

Богородичен: Мудрости премудростныя скіния была еси, Всенепорочная, / Свой бо храм от Твоих пречистых кровей, Чистая, создати благоволи / на спасѣние душ наших.

Песнь 3

Ирмос: Веселится о Тебѣ Церковь Твоя, Христѣ, зовущи: / Ты моя крепость, Господи, / и прибежище, и утверждѣние.

Тѣло мѹкам волею и лютым ранам / Христовы предаша исповѣдницы и угодницы.

Избавитися от лютых греховных помысл, святїи, / вашу пámьять верою совершающим умолите.

На дрѣве терпеливно воздвїжени, честнии свидѣтелие / всеблагочестно неврѣдно исповѣданіе соблюдоша.

Богородичен: Целѣний Тя источник в Твою утробу Вшѣдый показá, / Мати Божия, Пречистая, / мою убо дѹшу исцели.

Седáлен, глас 8.

Подобен: Премудрости:

Крестом вооружившеся Христовым, / в нем мучителей всю крепость мужески низложисте, яко веры поборницы; / безбожие все идольское обличисте / и Троицу, святїи, усердно проповѣдавше. / Тем достойно от Нея венцы победы приѣсте, яко законно пострадавше, / страстотерпцы всеславнии, / молитѣ Христа Бóга грехов оставлѣние подати / празднующим любовию святую пámьять вашу.

Слáва, ин, глас 8. Подобен тойже:

Христу поработавше мученически, / поработисте лествь мучительскую, / непоработѣнну имѹще

душу и мудрость, / ибо Троицною верою уязвивше-
ся, прехвальнии, / многобожия славу неславную
обличите. / Тем, яко звезды, светло в мире блиста-
нием сияете чудес, блаженнии. / Стратотерпцы
всехвальнии, / молитв Христа Бога грехов оставле-
ние подати / чтущим любовию святую память
вашу.

И ныне,

Богородичен: Яко Деву и едину в женах, Тя, без
семене рождшую Бога плотию, / вси ублажаем,
роди человечести: / огонь бо вселися в Тя Божес-
тва, / и яко Младенца дойши Зиждителя и
Господа. / Тем Ангельский и человеческий род
достойно славим пресвятое Рождество Твое / и
согласно вопиём Ти: / моли Христа Бога согрешен-
ний оставление даровати / поклоняющимся верою
пресвятому Рождеству Твоему.

Крестобогородичен:

Агнца, и Пастыря, и Избавителя, Агница,
зряци на Кресте, / восклицаше, плачущи, и, горь-
ко рыдающе, вопияше: / мир убо радуется, прием-
ля Тобою избавление, / утроба же Моя горит,
зряци Твое распятие, / еже терпиши за милосер-
дие милости, / Долготерпеливе Господи, милости
бездно и источниче неисчерпаемый, / умилосерди-
ся и даруй согрешений оставление / верою по-
ющим Божественныя страсти Твоя.

Песнь 4

Ирмос: Вознесена Тя видевши Церковь на
Кресте, / Солнце праведное, / ста в чине своем, /
достойно взывающе: / слава силе Твоей, Господи.

Троицы равночисленнии венечницы / трисиян-
ною свещею ныне совершающия память всесвя-
щенную тех озаряют, / всем исцеления подающе.

С благоговением притецем к светоносней и
светозарней, Богомудрии, раце мученик, / точит бо
врачевания верою зовущим: / слава силе Твоей,
Господи.

Исповедающе Божественное строение и паче
ума таинство, / Богословными языки все безбожие
мучителей / Божественнии и всемудрии исповед-
ницы попраша.

Богорóдичен: Пáче умá родилá еси, о Дéво! / и по рождествé явилáся еси, дéвствующи пáки. / Тем немóлчными глáсы, рáдуйся, Тебé, Влады́чице, / véрою несомнénною вопиém.

Песнь 5

Ирмос: Ты, Гóсподи, мой свет, / в мир пришéл еси, / Свет Святый, обраща́яй из мра́чна неведéния / véрою воспева́ющая Тя.

Свётлостию я́ве подвиго́в сияюще, / посрами́ша мучите́лей свирéпый нрав / véры побóрницы.

Во вся я́вственнó вселénныя концы́ чудесá мученик проповéдашася / и вся véрою утверди́ша.

Я́коже земл́я благáя, благодáти сэмена приéмши, / житиém трудолю́бно богáтство блажéннии содéяша.

Богорóдичен: Ед́ин Благи́й, пучи́ною благосты́ни вся́ческая, Богомáти, содержáй, / Твоими́ объ́ятии держáтися сподóби.

Песнь 6

Ирмос: Пожру́ Ти, со глáсом хвалéния, Гóсподи, / Цéрковь вопиéт Ти, / от бесóвския крóве очи́щися, / рáди мило́сти от ребр Твои́х / истéкшею Крóвию.

Закóнно, я́ко дóбрии во́ини, Богомúдрии, удержáвше вся / и я́сно véру соблю́дше, / Божéственныя прáвды при́ясте венцы́.

Прéжде úбо Аввакúм высóце возвышáется Влады́чним повелéнием, / чрез вас же отрокови́ца мучима, Богоглаго́ливии, / к воспитáвшей возврати́ся.

Сияет рáка мученик чудесы́ / и рéки источáет исцелéний всем, приходя́щим véрою / и тех терпéнию дивя́щимся.

Богорóдичен: Тя ед́ину посреде́ тёрния обрёт, я́ко чистéйший крин / и во удо́лиих цвет, о Богомáти, / Жени́х умный в Тя всели́ся.

Конда́к, глас 2.

Подóбен: Вы́шних ищá:

С высоты́, мúдрии, благодáть приéмше, / сýщим во искушéниях предстоите, всехвáльнии. / Тём же отрокови́цу, святii, от смёрти гóрькия

избáвисте, / вы бо во́истинну естé Едэсу сла́ва и ми́ру ра́дость.

И́кос:

Вра́жия мя рабо́ты избáви, **Иисýсе** Жизнода́вче, / Твои́х страда́лец мо́льбами умоля́емь, / я́ко да непорабо́щенну стязáв от страстéй ду́шу мою́ и тéло, / восхва́лю тех скорéйшую помо́щь, / я́коже во грóбе затворéная му́жа лука́вством, / и си́ю скóро предва́ривше, от смéрти избáвиша, зову́щу: / Едэсу сла́ва и ми́ру ра́дость.

Песнь 7

Ирмос: **В** пе́щи Авраáмстии о́троцы перси́дстей / любóвию благочéстия пáче, / не́жели пла́менем, опаля́емь, взывáху: / благословéн еси в хра́ме сла́вы Твоея́, Го́споди.

Авраáмския в пе́щи дéти избáвивый, / Сый и странную отрокови́цу лю́таго обстоя́ния спасé / ходата́йством ны́не святых угодник, я́ко Благоутро́бен.

Сурóвейшаго безчеловéчия му́ку да́вый, / всех зол а́бие истязан убийца злоименитый / судóм пра́ведным Твои́м, Сло́ве Бо́жий, му́дросте и си́ла.

Укрепля́ема к вам наде́жду, сла́внии, / отрокови́ца, заключéнная во грóбе с мёртвыми, ча́яния не погрешí, зову́щи: / благословéн еси, Го́споди Бо́же отец на́ших.

Богорóдичен: Я́ко новосмешéное и светозáрное пу́щая зерца́ло, / Зарю́ Божéственнаго, Дéво, сия́ния, приложившю́ся Тебе́, вместíла еси́. / Благо́словéна Ты в жена́х, Всенепорóчная Влады́чице.

Песнь 8

Ирмос: Ру́це распротéр Дани́ил, / льво́в зия́ния в ро́ве затчé; / о́гненную же си́лу угаси́ша, / добродéтелию препоя́савшеся, / благочéстия ра́чители, о́троцы, взывáюще: / благослови́те вся дела́ Господня́ Го́спода.

Всеми́рный днесь нам настá прáздник му́ченик Христóвых, / озаря́ющ благода́тию чудéс приходя́щия véрою и ра́достью духо́вною / и любóвию зову́щия: / благослови́те вся дела́ Господня́ Го́спода.

Удóбно исповéдницы Твоегó Божества все упразднiша безбóжие, Влады́ко, / мучителей не убоявшися прецэний злоумных, / véрою укрепляеми, взывающе: / благословите вся дела Господня Гóспода.

Всемúдрии исповéдницы, предстояще Божéственному повелéнию, / врагóв полкi побеждаючи, мечём закалаеми, / побéду преслáвно я́ве и пресиящу показáша, / падающе бо, противныя победи́ша.

Богорóдичен: Естество́ вiдимаго двема́, Христа́ родила́ еси, / едiну носяща я́ве Ипостáсь слóжну Божества́ и челове́чества, / стéкшуся естéственному и́стинно по соединéнию: / тем Тя благословiм, Марiе Богоневéстная.

Песнь 9

Ирмос: Ка́мень неруко́сэчный / от несекóмыя горы́, Тебé, Дéво, / краеуго́льный отсечéся, / Христóс, совоку́пный разстоя́щаяся естество́, / Тем, веселя́щися, Тя, Богорóдице, велича́ем.

Словесём послéдующе Божéственным и Богодухновенным Христóвым, / исповéдницы Богосвётлии, / крест на ра́мена, раду́ющися, взя́сте, / жизнóсным стопáм послéдующе, достослáвнии.

Всемú свéту Трóицы с весéлием дóблии исповéдницы вмéщшися, / подвигóв чéсти воспринимáют, / Безплóтных чинóв сподóбльшися соводворéния.

Ны́не не в зерка́ле зрите блажéнных наде́жды, исповéдницы Спáсовы; / и́стины же па́че, всемúдрии, добрóту зрите, / венценóсцы всечестнiи.

Яко Пребожéственныя Трóицы я́ве равночiсленнiи я́вльшися исповéдницы, Богоглагóливии, / То́я заря́ми просвещáется, / яко То́я ра́ди пострада́вше, / Жiзни нетлénныя ны́не уллучiша.

Богорóдичен: Плóтию приитi восхотéв, украсiвый вся, / Слово в Тя вселiся, Едiну святéйшу всех обрёт, / и Богорóдицу войистинну я́ви, Мáти Дéво.

Светилен.

Подобен: Небо звездами:

Иже от гроба отроковицу избавльше древле, /
Гурие, и Самоне, и Авиве, / мученицы Христовы,
предварите, / яко от гроба прегрешений ны избавляюще.

Богородичен: Крепким Твоим покровом от
навет вражиих ны, Чистая, / Твоя рабы, сохрани
невредимы, / Тя бо стяжахом Едину прибежище в
бедах.

НА ЛИТУРГИИ

Прокимен, глас 4: Святым, иже суть на земли
Его: **Стих:** Предзрех Господа предо мною выну:
Апостол ко Ефесеем, зачало 233. Аллилуия, **глас 4:**
Возваша праведнии, и Господь услыша их. Стих:
Многи скорби праведным: Евангелие от Лукы,
зачало 64: Причастен: Радуйтесь, праведнии, о
Господе:

ЗРИ Вестно буди, яко аще случится начало поста сего в
субботу, в пятък вечера, на Господи, **возвах:** стихиры
святых на 6. Аще ли в неделю, стихиры прежде Октоиха и
святых, 3. Слава, святых. И ныне, Богородичен. На
стиховне Октоиха. Слава, святых. И ныне, Богородичен.
Вечер и на утрени, на Бог Господь: тропарь святых. Слава,
и ныне, Богородичен.

В прочие же дни от понедельника до пятка поем
аллилуия: почести ради начала святого поста.

На Господи, **возвах:** поем стихиры прежде Богородицы
3 и святых 3. Слава, и ныне, Богородичен или Крестобого-
родичен. Вместо прокимна поем аллилуия: на глас 6-й. На
стиховне Октоиха. Слава, и ныне, Богородичен или
Крестобогородичен. На утрени вместо Бог Господь: поем
аллилуия: и троичны; а по 6-й песни кондак святых.

Мученики и исповедники Гурий, Самон († 304—306) и Авив († 322). В начале IV века в окрестностях города Эдессы (Македония) были известны своей строгой подвижнической жизнью два друга-христианина Гурий и Самон, проповедники Слова Божия. Несмотря на воздвигнутое императором Диоклитианом (284—305) гонение на христиан, они продолжали благовестие истинной веры среди язычников, обращая их ко Христу примером своей глубоководной и добродетельной жизни. При-

ходящих к ним собратий по вере Гурий и Самон назидали и укрепляли в твердом исповедании Господа Иисуса Христа. Узнав об этом, наместник Эдессы Антонин подверг их пыткам, а затем потребовал отречься от Христа и принести жертву языческому божеству Дию (Юпитеру).

«Мы никогда не откажемся от святой и непорочной нашей веры, памятуя слова Спасителя: «Всякого, кто исповедает Меня пред людьми, того исповедаю и Я пред Отцем Моим Небесным; а кто отречется

от Меня пред людьми, отрекусь от того и Я пред Отцем Моим Небесным» (Мф. 10, 32—33),—ответили ему святые Гурий и Самон. Антонин приказал бросить их в темницу.

В то время в Эдессу прибыл присланный императором для усиления преследований христиан правитель области Музоний. В ответ на его угрозы предать их смерти, святые Гурий и Самон сказали: «Мы более боимся вечных мучений, нежели тех, какие ты перечислил... «Если внешний наш человек и тлеет, то внутренний со дня на день обновляется» (2 Кор. 4, 16).»

Музоний велел подвесить святых за руки, привязав к их ногам тяжелые камни. В таком положении они терпеливо висели несколько часов, после чего были заключены в темницу. В темнице святые Гурий и Самон пробыли с 1 августа по 9 ноября, мучимые голодом, жаждой и невозможностью передвигаться (ноги их были забиты в деревянные колодки). Когда святых по прошествии трех с лишним месяцев привели к правителю, они вновь непоколебимо исповедали веру Христову. Святой Гурий, уже совершенно обессиленный, едва живой, был сразу же возвращен в темницу. Святой Самон, физически более выносливый, подвергся прежней пытке: семь часов его держали подвешенным, после чего отнесли в темницу (он не мог идти и даже стоять, так как коленные суставы оказались повреждены).

15 ноября (304 или 306 г.), когда едва начинало рассветать и жители Эдессы еще спали, святые мученики Гурий и Самон были доставлены к правителю Музонию. Музоний в последний раз предложил им жизнь ценой вероотступничества.

«... Довольно для нас и минувшего времени, в которое мы насмотрелись на дневной потухающий свет; души наши желают теперь перейти к немерцаемому дню»,—ответили ему мученики.

По распоряжению Музония их отвезли далеко за город и обезглавили. Святые мощи мучеников Гурия и Самона были взяты и с честью погребены христианами.

Через несколько лет император Ликиний (307—324) вновь воздвиг гонение на христиан. В то время в

Эдессе жил проповедник диакон Авив, родом из села Фелсея. Градоначальник Эдессы Лисаний, сообщив Ликинию, что диакон Авив «наполнил весь город христианским учением», получил приказ расправиться с ним. Когда воины искали святого Авива, он сам вышел к их военачальнику Феотеку и добровольно отдался в руки стражников. Приведенный к Лисанию, диакон Авив отказался поклониться языческим идолам. Его подвесили и стали строгать кожу железными когтями, после чего осудили на сожжение. К месту казни за святым Авивом следовали мать, родные и близкие. Преподав им последнее целование, святой Авив вошел в огонь и принял мученическую кончину (†322). Тело святого Авива чудесным образом осталось неопаленным. Его мученичество также совершилось 15 ноября, почему святые мощи его были взяты и погребены при гробе пострадавших прежде святых мучеников Гурия и Самона.

Впоследствии христиане возвели на этом месте церковь во имя трех святых мучеников и положили их мощи в одной гробнице. Они были прославлены чудесными знамениями и исцелениями. Особенно известно чудесное заступничество святых, оказанное благочестивой девушке Евфимии.

Некий воин-гот, оказавшийся в Эдессе во время похода, взял Евфимию в жены, дав у гробницы святых ложную клятву, что он неженат. Много страданий и унижений пришлось испытать Евфимии на родине гота, где он отдал ее в рабство своей прежней жене. Впоследствии, по молитвам Евфимии к трем святым мученикам Гурию, Самону и Авиву, она была избавлена от смерти и чудесно перенесена в Эдессу, а гот-клятвопреступник и злодей понес заслуженное возмездие. Прославляя святых мучеников в акафисте, Церковь Христова обращается к ним: «Радуйтесь, Гурие, Самоне и Авиве, честнаго брака Небеснии покровители».

Святые мученики Гурий, Самон и Авив издавна почитались на Руси, как покровители семейной жизни, а также как обличители всякого нечестия.



Преподобнаго Гурія, Шалочскаго чудотворца

Молитва

О преподобне и Богоносне отче Гуріе!

Услыши ныне нас, к тебе усердно молящихся и припадающих zde, на земли, совершающих всечестную память твою. Ты же, духом на Небесех Пресвятей Троице предстоя со Ангелы и преподобных отец лики, молися о нас, чадах твоих, да избавимся от всяких скорбей, болезней, бед и обстояний, и благочестно проживем в настоящем житий, ходяще в заповедех и оправданиях Господних безпорочно, и да явемся святого твоего жития подражатели. Испроси нам же и всем, к тебе притекающим, грехов прощение, телесем здравие, жития исправление и вечное спасение, яко да, твоим теплым предстательством спасаеми, славу возсылати сподобимся в Троице славному Богу нашему — Отцу, и Сыну, и Святому Духу, ныне, и присно, и во веки веков. Аминь.

Преподобный Гурий был первым игуменом Шалочской Богородичной пустыни, расположенной в 35-ти верстах от Устюжны. Он игуменствовал в 1603 году. (Строев, «Списки иерархов», с. 120). В «Ико-

нописном Подлиннике» преподобный Гурий описан под 14 ноября: «подобием сед, брада, аки Никона Радонежскаго, ризы преподобническаия» (Филимонов с. 39).

